

釋迦譜卷第九

仙二

蕭齊釋僧祐撰

釋迦雙樹般涅槃記第二十七

釋迦八國分舍利記第二十八

釋迦天上龍宮舍利寶塔記第二十九

釋迦龍宮佛疑塔記第三十

釋迦雙樹般涅槃記第二十七

出大般涅槃

佛在拘尸那城力士生地阿夷羅跋提河邊  
娑羅雙樹間與大比丘衆八十億百千人俱  
前後圍繞二月十五日臨涅槃時以佛神力  
出大音聲乃至有頂隨其類音普告衆生今  
日如來應供正遍知憐愍衆生如羅睺羅爲

作歸依大覺世尊將欲涅槃一切衆生若有  
所疑今悉可問爲最後問長阿含經云佛於  
毗耶離與阿難獨留於後夏安居中佛身疾  
生舉體皆痛佛告阿難諸有修四神足多修  
習行常念不忘在意所欲可得不死一劫有  
餘阿難佛四神足已多如來可止一劫有餘

爲世除冥天人獲安尔時阿難默然不對如  
是并三阿難爲魔之所蔽朦朦不悟佛告阿  
難宜知是時阿難承旨禮佛而去其間未久  
時魔波旬來白佛意無欲可般涅槃佛告波  
旬且止且止我自知時如來今者未取涅槃  
波旬復白佛言佛昔初成正覺我時勸請如  
來可般涅槃尔時如來報言須我諸弟子集  
化今正是時何不滅度佛言止止波旬佛自  
知時不久住也是後三月於本生處拘尸那  
竭娑羅園雙樹間當取滅度時魔即念佛不  
虛言歡喜踊躍忽然不現佛即於遮波羅塔  
定意三昧捨命住壽當此之時也大震動人  
民驚怖衣毛爲豎佛放大光幽冥之處莫不  
蒙明各得相見賢者阿難心驚毛豎疾行詣  
佛頭面禮足白言恠哉地動是何因緣佛告  
阿難凡世地動有八因緣夫地在水上水止  
於風風止於空空中大風有時自起則大水  
撓普地皆動是爲一復次有時得道比丘比

丘尼及大神尊天觀水性多觀地性少欲自  
試力故則普地動是為二菩薩降神母胎地  
為大動是為三菩薩從右脇生則普地動是  
為四菩薩初成正覺是為五初轉無上法輪  
是為六佛教將畢欲捨性命則普地動是為  
七如來欲入無餘涅槃界而般涅槃時地大

世三

二

震動是為八也。爾時世尊告阿難俱詣香塔  
現在比丘普勅令集如來不义是後三月當  
般泥洹諸比丘聞已皆悉愕然殞絕迷荒自  
投於地舉聲大呼一何駛哉佛取滅度宛轉  
號咷不能自勝佛告諸比丘汝等且止勿懷  
憂悲天地人物無生不終欲使有為不變易  
者無有是處。天魔波旬向來請我我言是後  
三月當般涅槃。爾時賢者阿難右膝著地又  
手白佛言惟願世尊留住一劫勿取滅度。爾  
時世尊默然不對。如是三請佛告阿難汝親  
從佛聞佛四神足已多習行不忘可止不死  
一劫有餘多所饒益天人獲安。汝爾時何不

勸請如來使不滅度。今汝方言豈不過耶。吾  
已捨性命已棄已吐欲使如來自違言者無  
有是處。爾時世尊於晨朝時從其面門放種  
種光遍照三千大千佛之世界乃至十方六  
趣眾生遇斯光者罪垢煩惱一切消除。是諸  
眾生見聞是已心大憂惱同時舉聲悲號啼

哭。爾時大地諸山大海皆悉震動。時諸眾生  
共相謂言當共疾往詣拘尸城勸請如來莫  
般涅槃。住世一劫若滅一劫諸大弟子尊者  
摩訶迦梅延等遇佛光者其身戰掉不能自  
持發聲大叫生種種苦惱。復有八十百千諸  
比丘皆阿羅漢如大龍王復有六十億比丘

世三

三

尼亦是大阿羅漢各於晨朝日初出時舉身  
毛豎遍體血現如波羅奢華涕泣盈目生大  
苦惱疾至佛所誓首佛足遶百千匝却坐一  
面復有一恒河沙菩薩摩訶薩位階十地日  
初出時遇佛光明遍體血現涕泣盈目疾至  
佛所稽首佛足遶百千匝却坐一面復有二

恒河沙諸優婆塞三恒河沙諸優婆夷四恒河沙毗舍離城諸離車等五恒河沙大臣長者復有閻浮提內所有諸王復有七恒河沙諸王夫人唯除阿闍世王夫人所設供養七倍於前復有八恒河沙諸天女等九恒河沙諸龍王等十恒河沙諸鬼神王所設供具倍於諸龍復有二十恒河沙金翅鳥王三十恒河沙軋闍婆王四十恒河沙緊那羅王五十恒河沙摩睺羅伽王六十恒河沙阿脩羅王七十恒河沙陀那婆王八十恒河沙羅刹王更不食人其形醜陋以佛神力皆悉端正復有九十恒河沙樹林神王千恒河沙持呪王

一億恒河沙貪色鬼魅百億恒河沙天諸姪女千億恒河沙地諸鬼王十萬億恒河沙諸天王及四天王等復有十萬億恒河沙四方風神吹諸樹上時非時華散雙樹間十萬億恒河沙主雲雨神皆作是念如來涅槃焚身之時我當注雨令火時滅復有二十恒河沙大香象王拔取諸妙蓮華來至佛所二十恒河沙師子獸王持諸華果來至佛所二十恒河沙諸飛鳥王鳧鴈鴛鴦孔雀迦陵頻伽鳥耆婆鳥持諸華果稽首佛足二十恒河沙水牛牛羊住到佛所出妙香乳其乳流滿拘尸那城所有溝坑色香美味悉皆具足二十恒河沙四天下中諸神仙人打諸香華甘果稽首佛足閻浮提中一切蜂王持種種華來詣佛所復有無量世界中間及閻浮提所有諸山神四大海神及諸河神有大威德所設供養倍勝於前以薈婆華散熙連河誓首佛足却住一面仙三亦時拘尸那城娑羅雙樹林其林四變白猶如白鶴於虛空中自然而有七寶堂閣彫文刻鏤流泉浴池上妙蓮華亦如忉利歡喜之園是諸天人阿脩羅等咸覩如來涅槃之相皆悉悲感時四天王及三十三天乃至第六天所設供養展轉勝前大梵天王及餘梵眾放身光明遍四天下欲界人天日月

光明悉不復現持諸寶幢幡極短者懸於梵宮至娑羅樹間稽首佛足白言唯願如來哀受我等最後供養如來知時默然不受爾時毗摩質多阿脩羅王與無量大眷屬俱身諸光明勝於梵天持諸寶幢其蓋小者覆千世界上妙甘饌來詣佛所欲界魔王波旬與其眷屬諸天采女阿僧祇衆開地獄門施清淨水因而告曰汝等今者無所能爲唯當專念如來功德當令汝等長夜獲安時魔波旬於地獄中悉除刀劍無量苦毒熾然燄火注雨滅之以佛神力令諸眷屬皆捨刀劍弓弩矛稍長鉤闔輪索所持供養倍勝一切人天所設其蓋小者覆中千界來至佛所稽首佛是唯願如來哀受我等最後供養如是三請皆亦不受時魔波旬不果所願心懷愁惱却住一面尔時大自在天王與其眷屬無量無邊及諸天衆所設供具悉覆梵釋人天八部所有供具梵釋所設猶如聚墨在珂貝邊悉

仙二

五

不復現實蓋小者能覆三千大千世界來詣佛所稽首佛足遶無數而尔時東方去此無數阿僧祇恒河沙微塵世界彼有佛土名意樂美音佛号虚空等如來十号具足尔時彼佛告第一大弟子言汝今宜往西方娑婆世界釋迦牟尼如來彼佛不久當般涅槃汝可持此世界香飯奉獻彼佛世尊食已入般涅槃尔時無邊身菩薩即受佛教誓首佛足發彼國來應時此間三千大千世界大地六種震動梵釋四王魔王波旬摩醯首羅見是地動舉身毛豎喉舌枯燥驚怖戰慄各欲四散自見其身無復光明是時文殊師利即從座起告諸大衆汝等勿懼東方去此無量阿僧祇恒河沙微塵等世界有佛号虚空等如來十号具足彼有菩薩名無邊身與無量菩薩欲來至此供養如來以彼菩薩威德力故令汝身光悉不復現尔時文衆悉皆遙見彼佛如明鏡中自觀已身見無邊身菩薩一一毛

孔各各出生一大蓮華各有七萬八千城邑  
七寶雜廁是中衆生不聞餘名純聞無上大  
乘之聲書持讀誦大乘經典一切大衆悉皆  
得見無邊身菩薩身大無邊量同虛空唯除  
諸佛更無能見是菩薩身身量邊際時無邊  
身菩薩稽首佛足合掌白言世尊唯願哀愍  
受我等食如來知時默然不受南西北方諸  
佛世界亦有無量無邊身菩薩所持供養倍  
勝於前時娑羅雙樹吉祥福地縱廣三十二  
由旬大衆充滿間無空缺尔時四方無邊身  
菩薩及其眷屬所坐之處或如錐頭鉞鋒十  
方如微塵世界諸大菩薩悉來集會唯除尊  
者摩訶迦葉阿難二衆阿闍世王及其眷屬  
乃至毒蛇視能煞人蝮蟻蝮蠱及十六種行  
惡業者一切來集陀那婆神阿脩羅等悉捨  
惡念皆生慈心除一闍提尔時三千大千世  
界以佛神力地皆柔軟衆寶莊嚴猶如西方  
無量壽佛極樂世界是時大衆悉見十方微

仙二

六

塵等諸佛世界如於明鏡自觀己身尔時如  
來面門所出五色光明其光明耀覆諸大會  
令彼身光悉不復現所應作已還從口入時  
諸天人阿脩羅等見佛光明還從口入皆大  
恐怖身毛為豎復作是言如來光明出已還  
入必於十方所作已辦將是最後涅槃之相  
嗚呼痛哉世間大苦悲號啼哭不能自持尔  
時會中有優婆塞是拘尸城工巧之子名曰  
純陀與其同類十五人俱從座而起偏袒右  
肩右膝著地合掌向佛悲感流淚頂禮佛足  
白佛言唯願世尊及比丘僧哀受我等最後  
供養我等從今無主無親無救無護貧窮飢  
困欲從如來求將來食唯願哀受我等微供  
然後涅槃尔時世尊一切種智告純陀曰善  
哉善哉我今為汝除斷貧窮無上法雨兩汝  
身田今生法芽乃令汝具足檀波羅蜜尔時  
大衆歡喜踊躍同聲讚言善哉善哉希有純  
陀佛已受汝最後供養汝今純陀真是佛子

佛告純陀汝所奉施佛及大眾今正是時如  
來正亦當般涅槃第二第三亦復如是尔時  
純陀聞佛語已舉聲號哭復白大眾我等今  
者一切當共五體投地同聲勸佛莫般涅槃  
佛告純陀莫大啼哭自亂其心我以哀愍汝  
及一切是故今日欲入涅槃何以故諸佛法

仙三

七

尔有為亦然速辦所施不冝久停尔時世尊  
從其面門放種種色青黃赤白紅紫光明照  
純陀身純陀遇已與諸眷屬持諸餽饌疾往  
佛所憂悲悵悵重白佛言唯願如來猶見哀  
愍住壽一劫佛告純陀汝欲令我久住世者  
冝當速奉最後具足檀波羅蜜尔時一切菩  
薩天人雜類異口同音唱言奇哉純陀成大  
福德我等無福所設供具則為唐捐尔時世  
尊欲令一切眾望滿足於自身上一一毛孔  
有無量佛一一諸佛各有無量諸比丘僧悉  
皆示現受其供養釋迦如來自受純陀所奉  
設者尔時純陀所持粳糧成熟之食摩伽陀

國滿足八斛以佛神力皆悉充足一切大會  
長阿含經云世尊與諸大眾至波婆城闍頭  
園中時有工師子名曰周那即自嚴服至世  
尊所頭面禮足即請世尊明日舍食時佛默  
然受請明日時到尔時世尊法服持鉢大眾  
圍遶往詣其舍周那尋設飯食供佛及僧別  
煮栴檀樹耳世所奇珍獨奉世尊佛漸為說  
法示教利喜已大眾圍遶侍從而還中路止  
一樹下告阿難言吾患背痛汝可敷座阿難  
白佛言周那設供無有福利所以者何如來  
最後於其舍食便取涅槃佛告阿難勿作是  
言周那為獲大利得壽命得色得力所以者  
何佛初成道能施食者佛臨滅度能施食者  
此一功德正等無異雙卷大般泥洹經云佛  
語賢者阿難俱之波旬國弟子皆行到止城  
外禪頭園中波旬豪姓有諸華氏聞佛來到  
皆出作禮稽首畢一面坐有華氏子淳獨留  
長跪白佛欲設微食願與聖眾俱屈威神佛

默然如可之淳喜為禮而歸而調作膳美晨  
 施床座佛與眾弟子俱到其舍就高座淳手  
 自斟酌奉鉢致漿供養行澡水畢佛說法已  
 淳歡喜佛語阿難俱之拘夷邑行半道所佛  
 疾生身背痛止樹下坐於是佛語賢者阿難  
 至熙連河自澡浴已告阿難朝從華子淳飯

仙二

八

夜當滅度天下有二難一為若施飯食成無  
 上真道為至聖佛二為若施飯食棄所受餘  
 無為之情而滅度今淳飯佛當得長壽得受  
 無欲得大福德極貴得官屬終生天上獲此  
 五福語淳勿憂宜用歡喜祐尋此二經與大  
 般涅槃所說純陀最後供養多有不同此大

小乘經現化之各見殊也爾時樹林其地陞  
 小以佛神力如針鋒處皆有無量諸佛世尊  
 所食之物亦無差別是時天人阿脩羅等啼  
 泣悲嘆如來今日已受我等最後供養當般  
 涅槃我等當復更供養誰亦時世尊為欲安  
 慰一切大眾而說偈言若有不能如是觀了

三寶常者是旃陀羅若有能知三法常住實  
 法因緣離苦安樂時諸人天大眾阿脩羅等  
 聞是法已心生歡喜踊躍無量知佛常住散  
 種種華鼓天妓樂亦時世尊與文殊師利迦  
 葉菩薩及與純陀受記前已作如是言諸善  
 男子自修其心慎莫放逸我今背疾舉體皆

痛我今欲卧如彼小兒及常患者文殊汝等  
 當為四部廣說大法今以此法付囑於汝乃  
 至迦葉阿難等來當復付囑亦時如來說是  
 語已為欲調伏諸眾生故現身有疾右脇而  
 卧如彼病人長阿含經云今時世尊入拘尸  
 城向本生處未羅雙樹間告阿難曰汝為如

仙二

九

來於雙樹間敷置床座使頭北首面向西方  
 所以然者吾法流布當久住北方今時世尊  
 自四繫僧伽黎偃右脇如師子王累足而卧  
 時雙樹間鬼神以非時華布散于地阿難長  
 跪叉手而白佛言莫於此鄙陋小城荒毀之  
 土取滅度也更有大國迦維羅衛國波羅奈

國民人衆多必能恭敬供養舍利佛言止止無謂此土以爲鄙陋昔者此國土有王名大善見七覺具足王有四德主四天下善見命終生第七梵天其王死七日後輪寶珠寶自然不現象寶馬寶居士寶主兵寶同日命終城池法殿金多羅園變爲土水有法無常要歸摩滅唯得聖道尔乃知之我自憶念曾於此處六反作轉輪聖王終厝骨於此今我成無上正覺復捨性命厝身於此自今已後生死永終無有方土厝吾身處此最後邊更不受有

尔時迦葉菩薩白佛言世尊如來已免一切諸病苦患悉除無復怖畏世尊一切衆生有四毒箭則爲病因何等爲四貪欲嗔恚愚癡憍慢若有病因則有病生所謂愛熱肺病上氣吐逆膚疥瘡瘡其心悶亂下痢癩瘡下便淋瀝眼耳疼痛皆滿腹脹顛狂乾癆鬼魅所著如是種種身心諸病諸佛世尊悉無復有

今日如來何緣願命文殊師利而作是言我今皆痛汝等當爲大衆說法有二因緣則無病苦何等爲二一者憐愍一切衆生二者給施病者醫藥如來往昔已於無量萬億劫中修菩薩道常行愛語利益衆生不令苦惱施疾病者種種醫藥何緣於今自言有病世尊

世有病人或坐或起不安其所或索飲食戒勸家屬修治產業何故如來默然而卧不教弟子聲聞人等尸波羅蜜諸禪解脫三摩跋提修諸正勤何緣不說如是甚深大乘經典如來何故不以無量方便教大迦葉人中象王諸大人等令不退於阿耨多羅三藐三菩

仙二

提何故不治諸惡比丘受畜一切不淨物者世尊實無有病云何默然右脅而卧一切愚人生滅盡想當爲外道九十五種之所輕慢沙門瞿曇無常所遷如來世尊無上仙人已拔毒箭得無所畏今者何故右脇而卧令諸人天悲愁苦惱尔時世尊大悲熏心知諸衆

生各各所念將欲隨順畢竟利益即從卧起結跏趺坐顏貌熙怡如融金聚放大光明充遍虛空其光大盛過百千日照千東方南西北方四維上下諸佛世界於其身上一一毛孔出一蓮華各具千葉純真金色各出種種雜色光明皆悉遍至阿鼻地獄想地獄黑繩地獄衆合地獄叫喚地獄大叫喚地獄焦熱地獄大焦熱地獄是八地獄其中衆生常爲諸苦之所逼切所謂燒煮火炙斫刺剝乃至八種寒冰地獄所謂擘裂身體碎壞遇斯光已如是等苦悉滅無餘是光明中言諸衆生皆有佛性衆生聞已即便命終生人天中此閻浮提及餘世界所有地獄皆悉虛空無受罪者除一闍提餓鬼衆生飢渴所逼以髮纏身於百千歲未曾得聞漿水之名遇斯光已飢渴即除是光明中亦說衆生皆有佛性聞已命終生天人中令諸餓鬼亦悉空虛除謗大乘畜生衆生共相殘食遇斯光已恚心

仙二

十二

悉滅是光明中亦說衆生皆有佛性聞已命終生人天中當尔之時畜生亦盡除謗正法是一一華各有一佛圓光一尋端嚴最上是諸世尊或震雷音或注洪雨或扇大風或出烟燄或有示現初生出家轉妙法輪入于涅槃此閻浮提中所有衆生遇斯光已盲者見色聾者聽聲瘖言蹇行貧者得財慳者能施恚者慈心不信者信無一衆生修行惡法除一闍提尔時一切天龍鬼神乾闥婆阿脩羅及人非人等悉共同聲唱如是言善哉善哉無上天尊多所利益踊躍歡喜或歌或舞或身動轉以種種華散佛及僧諸天妓樂供養於佛尔時佛告迦葉菩薩是諸衆生不知大乘方等密語便謂如來真實有疾如來今於娑羅樹間示現倚卧師子之床欲入涅槃今諸未得阿羅漢果衆弟子等及諸力士生大憂苦令諸天人阿脩羅等大設供養欲使諸人以千端氈纏裹其身七寶爲棺盛滿香油

積諸香木以火焚之唯除二端不可得燒一者觀身二最在外爲諸衆生分散舍利以爲八分一切聲聞弟子咸言如來入於涅槃當知如來亦不畢定入於涅槃何以故如來常住不變易故長阿含經云今時世尊即記別千二百弟子所得道果世尊披鬱多羅僧出金色臂告諸比丘汝等當觀如來時時出現於世如優曇華時一現耳

雙卷大般泥洹經云佛語阿難甚已願樂如來正化當棄貪欲憍慢之心遵承佛教以精進受思惟道行是爲最後佛之遺令必共慎之汝諸比丘觀佛之儀容難可得覩却後一億四千餘歲乃當復有弥勒佛耳難常遇也天下有優曇鉢華不華而實若其生華則世有佛爲世間日恒除衆瞋自我爲聖師至七十九所應作者亦已究暢汝其勉之夜已半矣是故比丘無爲放逸我以不放逸故自致正覺無量衆善亦由不放逸得一切萬物無

仙二

十二

常存者此是如來末後所說於是世尊即入初禪從初禪起入第二禪從第二禪起入第三禪從第三禪起入第四禪從四禪起入空處定從空處定起入識處定從識處定起入不用定從不用定起入有想無想定從有想無想定起入滅想定是時阿難問阿那律世尊已般涅槃耶那律言未也阿難世尊今者在滅想定我昔親從佛聞從四禪起乃般涅槃於時世尊從滅想定起入有想無想定從有想無想定起入不用定從不用定起入識處定從識處定起入第四禪從第四禪起入第三禪從第三禪起入第二禪從第二禪起入第一禪從第一禪起入第二禪從第二禪起入第三禪從第三禪起入第四禪從第四禪起佛般涅槃當於今時地大震動諸天世人皆大驚怖諸有幽冥日月光明所不照處皆蒙大明各得相見迭相謂言彼人生此其光普遍過諸天光明

時忉利天於虛空中以文陀羅華優鉢羅波  
 頭摩華等散如來上及散眾會又以天末栴  
 檀雨散佛上及散大眾佛滅度已時梵天王  
 釋提桓因金毗羅神密迹力士佛母摩耶雙  
 樹神娑羅園林神四天王忉利天王酸摩天  
 王兜率陀天王化自在天王他化自在天王

仙二

十三

各作偈頌諸比丘悲慟殞絕自投於地譬如  
 斬蛇宛轉迴遑莫知所湊歔歔而言如來滅  
 度何其駛哉大法淪翳何期速哉群生長衰  
 世間眼滅爾時阿那律告諸比丘止止勿悲  
 諸天在上儻有恠責時諸比丘問阿那律上  
 有幾天阿那律言充滿虛空豈可計量皆於  
 空中徘徊搔擾悲號躡躡垂淚而言如來滅  
 度何其駛哉群生長衰世間眼滅  
 雙卷大般涅槃經云與長阿含說略同  
 時諸比丘竟夜達曉講法語已阿那律告阿  
 難言汝可入城語諸末羅佛已滅度所欲施  
 作宜及時為是時阿難起札佛足已將一比

丘涕泣入城遙見五百末羅集在一處諸末  
 羅奉迎礼足白言今來何早阿難答言汝等  
 當知如來昨夜已取滅度汝欲施作宜及時  
 為諸末羅聞是語已莫不悲慟捫淚而言一  
 何駛哉佛般涅槃一何疾哉世間眼滅時諸  
 末羅各自還家辦諸香華及眾妓樂詣雙樹  
 間供養舍利竟一日已以佛舍利置於床上  
 諸末羅童子等來舉舉床皆不能勝時阿那  
 律語末羅汝等且止勿空疲勞今者諸天欲  
 來舉床汝等欲使末羅童子舉床四角入東  
 城門遍諸里巷使國人民皆得供養然後出  
 西城門詣高顯處而闍維之而諸天意欲留  
 舍利七日之中使國人民皆得供養然後出  
 城北門渡熙連禪河於天冠寺中而闍維之  
 是上天意使床不動末羅曰諾快哉斯言隨  
 諸天意時諸末羅即共入城平治道路掃灑  
 燒香已出雙樹間以香華妓樂供養舍利訖  
 七日已時日向暮舉佛舍利置於床上末羅

童子捧舉四角擎持幡蓋燒香散華作衆妓樂前後導從安詳而行時忉利諸天雨文陀羅華優鉢羅華等天末栴檀散舍利上充滿街路諸天作樂鬼神歌詠供養舍利於是末羅捧床漸進入東城門止諸街巷設供養已出城北門渡熙連禪河到天冠寺告阿難曰

仙三

十四

我等復應以何供養阿難報曰我親從佛聞欲葬舍利當如轉輪聖王葬法生獲福利死得上天時諸末羅即共入城供辦葬具已還到天冠寺以淨香湯洗浴佛身以新劫貝周而纏身五百張氎次如纏之內身金棺灌以香油置於第二大鐵槲中栴檀木槲重衣其外以衆名香而積其上末羅大臣名曰路幾親執炬火欲然佛積而火不然又諸末羅次前然積火又不然時阿那律語末羅言止止諸賢非汝所能火滅不然是諸天意以大迦葉將五百弟子從波波國來欲見佛身天知其意使火不然尔時大迦葉從波波國遇一

尼乾子手執文陀羅華問言汝知我師在乎答曰滅度已來已經七日迦葉聞之悵然不悅五百比丘宛轉號咷不能自勝迦葉詣拘尸城渡尼連禪河到天冠寺至阿難所語阿難言我等欲一面觀舍利及未闍維寧可見不阿難答言雖未闍維以劫貝五百張氎次

如纏之藏於金棺置鐵槲中以爲佛身難復可觀迦葉三請阿難答之如初時大迦葉適向香積於時佛身從重棺內雙出兩足足有異色迦葉見已恠問阿難佛身金色是何故阿難報曰向有一老母悲哀而前淚墮其上故色異耳迦葉即向香積禮佛舍利時四

仙二

十五

部衆及上諸天同時俱禮於是佛足忽然不現時大迦葉遶積三帀而作偈頌時彼佛積不燒自然諸末羅等各相謂言今火獨熾燄盛難止闍維舍利或能燒盡當於何所求水滅之時有娑羅樹神尋以神力滅佛積火時諸末羅詣拘尸城側取諸香華以用供養

雙卷大般泥洹經說與長阿含說略同又云  
大迦葉至於是佛積不燒自然至終其夜佛  
積燒盡自然生四樹蘇尼禪樹迦維屠樹阿  
世鞮樹尼拘類樹菩薩處胎經云佛在雙樹  
欲捨身壽入般涅槃二月八日夜半躬自繫  
僧伽梨鬱多羅僧安陀羅跋薩各三條敷金  
棺裏襯身卧上脚脚相累以鉢錫杖手付阿  
難八大國王皆持五百張白氎梅檀木檣盡  
內金棺裏大梵天王將諸梵衆在右面立釋  
提桓因將忉利諸天在左面立弥勒菩薩十  
方菩薩當前立尔時世尊欲入金剛三昧碎  
身舍利從金棺裏出金色臂即問阿難迦葉  
比丘今來至不對曰未至即復綴氎入金棺  
裏寂然不語世尊將欲示現識所趣向道識  
俗識有為識無為識世尊即於胎中現鈎鏤  
胎骨遍滿三千大千世界佛告弥勒汝觀鈎  
鏤骸骨令一切衆所知識所趣分別決了弥  
勒菩薩即從座起手執金剛七寶神杖撓鈎

鏤骨聽彼骨聲即白佛言此人命終瞋恚結  
多識墮龍中此人前身十跡行具得生天上  
有一全身舍利無有缺減弥勒以杖撓之推  
尋此識了不知處如是三撓前白佛言此人  
神識了不可知將非如來入涅槃耶佛告弥  
勒諸佛舍利流布非汝等境界所能分別何  
以故此舍利者即是吾舍利何能尋究如來  
神識又世尊還攝威神在金棺裏寂然無聲  
諸天燒香散華供養時大迦葉將五百弟子  
至世尊以天耳聞即從金棺雙出兩足摩耶  
經云佛般涅槃摩耶夫人天上五衰相現一  
者頭上花萎二者腋下汗出三者項中光滅  
四者兩目數瞬五者不樂本座又於其夜得  
五大惡夢一須弥山崩四海水竭二羅刹奔  
走挑人眼目三天失寶冠身無光明四寶珠  
幢倒失如意珠五師子嚙身痛如刀割得此  
夢已即便驚寤此非吉祥我昔在於白淨王  
宮因晝寢中得希有夢見一天子身黃金色

仙二

十六

乘白象王從諸天子作妙妓樂貫日之精入我右脇心身安樂即便懷妊悉達太子為世照明今此五夢甚可怖畏必是我子涅槃之相尔時阿那律棺殯如來身已即昇忉利天偈告摩耶摩耶聞已悶絕躡地良久乃蘇自拔頭髮悲泣而言昨夜得夢知有恠異佛果滅度不久便當即就闍維何其苦哉世間眼滅即與諸眷屬從空來下趣雙樹間遙見佛棺便即悶絕不能自勝以水灑面然後方蘇前至棺所頂禮悲泣而作是言共於過去無量劫來長為母子未曾捨離一旦於今相見無期嗚呼苦哉衆生福盡即以種種天華布散棺上摩耶夫人顧見如來僧伽黎衣及鉢錫杖右手執之舉身投地如大山崩悲號慟絕而作是言我子執者福度天人今此諸物空無有主嗚呼痛哉四衆悲感淚下如雨帝釋力故變成河流尔時世尊以神力故令諸棺蓋皆自開發便從棺中合掌而起如師子

三二

十七

王初出窟已奮迅之勢身毛孔中放千光明一一光明有千化佛悉皆合掌向於摩耶以梵軟音問訊母言遠屈來下此闍浮提諸行法尔願勿啼泣尔時阿難見佛起已又聞說偈垂淚嗚咽強自抑忍即便白佛後世衆生必當問我佛臨滅度復何所說云何答之佛告阿難汝當答言世尊已入涅槃摩耶夫人來下如來為後不孝諸衆生故從金棺出合掌問訊并說上諸偈故此經名為佛臨涅槃母子相見經如是受持說此語已與母辭別即便闍棺三千世界普皆震動八部大衆悲號懊惱聲動天地摩耶夫人問阿難言我子悉達臨滅度時有何教勅阿難白言世尊中夜為諸比丘略說教誡又以所說十二部經付囑尊者摩訶迦葉末後勅我令助宣布時摩訶摩耶聞此語已又增感絕即問阿難汝於往昔侍佛已來聞世尊說如來正法幾時當滅阿難垂淚而便答言我於往昔曾聞世

尊說於當來法滅之事云佛涅槃後摩訶迦葉共阿難結集法藏事悉畢已摩訶迦葉於狼跡山入滅盡定我亦當得果證次第隨後入般涅槃當以正法付優波掘多善說法要如富樓那廣度人衆又復勸化阿輸迦王令於佛法得固正信以佛舍利廣起八萬四千諸塔二百歲已尸羅難陀比丘善說法要於閻浮提度十二億人三百歲已青蓮華眼比丘善說法要度半億人四百歲已牛口比丘善說法要度一萬人五百歲已寶天比丘善說法要度二萬人八萬衆生發阿耨多羅三藐三菩提心正法於此便就盡滅六百歲已九十六種諸外道等邪見競興破滅佛法有一比丘名曰馬鳴善說法要降伏一切諸外道輩七百歲已有一比丘名曰龍樹善說法要滅邪見幢然正法炬八百歲後諸比丘等樂好衣服縱逸嬉戲百千人中或有一兩得道果者九百歲已奴爲沙門婢爲比丘尼一

仙二

十八

千歲已諸比丘等聞不淨觀阿那波那嗔恚不欲無量比丘若一若兩思惟正受千一百歲已諸比丘等如世俗人嫁娶行媒於大眾中毀謗毗尼千二百歲已諸比丘及比丘尼作非梵行若有子息男爲比丘女爲比丘尼千三百歲已袈裟變白不受染色千四百歲已時諸四衆猶如獵師好樂煞生賣三寶物千五百歲俱睽弥國有三藏比丘善說法要徒衆五百人有一羅漢比丘善持戒行徒衆五百於十五日布薩之時羅漢比丘昇於高座說清淨法云此所應作此不應作彼三藏比丘弟子答羅漢云汝今身口自不清淨云何而反說是鹿言羅漢答言我久清淨身口意業無諸過患三藏弟子聞此語已倍更恚忿即於座上殺彼羅漢時羅漢弟子而作此言我師所說會於法理云何汝等害我和上即以利刀殺彼三藏天龍八部莫不憂惱惡魔波旬及外道衆踊躍歡喜競破塔寺殺害

比丘一切經藏皆悉流移至鳩尸那竭國阿  
耨達龍王悉持入海於是佛法而滅盡也時  
摩訶摩耶聞此語已號哭懊惱語阿難言如  
來遺勅既以正法付囑尊者及摩訶迦葉宜  
應精勤護持誦讀我今不忍見於如來闍維  
之時即禮佛棺右遶十匝涕淚號叫還歸天

仙二

去

上祐敬惟涅槃繫義惣八味古今講論精理已  
備妄率愚管略言其跡夫常住至寂畢竟無  
為但機感所誘隨方應俗既曰現生焉得無  
滅斯則群萌覩於始終而法身無出沒也是  
以假言背痛而方轉甘露託卧右脇而還放  
光明此無病之跡也及千疊既纏而示雙足  
於迦葉金棺將闔而起合掌於摩耶此無滅  
之徵也無病而示病不滅而現滅故知灰身  
顯權常住真實月喻妙旨不其明乎  
釋迦八國分舍利記第二十八 出雙卷泥洹經  
時波波國末羅民衆聞佛於雙樹滅度皆自  
念言今我宜往求舍利分起塔供養時波波

國諸末羅等即下國中嚴四種兵象兵馬兵  
車兵步兵到拘尸城遣使者言聞佛衆祐止  
此滅度彼亦我師敬慕之心來請骨分當於  
本國起塔供養拘尸王荅如是如是誠如君  
言但世尊重降此土於茲滅度國內士民當  
自供養遠勞諸君分舍利分恐不可得時遮  
羅頗國諸跋離民衆及羅摩伽國拘利民衆  
毗留提國婆羅門衆迦維衛國釋種民衆毗  
舍離國離車民衆及摩竭國阿闍世王聞於  
如來在拘尸那城娑羅雙樹間而取滅度皆  
自念言今我宜往取舍利分時諸國王阿闍  
世等即下國中嚴四種兵進度恒水即勅婆  
羅門香姓汝持我名入拘尸城致問諸末羅  
等起居輕利遊步強耶吾於諸賢每相宗敬  
隣國義和曾無諍訟我聞如來於君國內而  
取滅度唯無上尊實我所天故從遠來求請  
骨分欲還本土起塔供養設與我者舉國重  
寶與君共之時香姓婆羅門受王教已即詣

彼城語諸末羅時諸末羅報香姓曰誠如君言但為世尊垂降此土於茲滅度國內士民自當供養遠勞諸君分舍利分定不可得時諸國王即集群臣眾共立議作頌告曰吾等和議遠來拜首遜言求分如不見與四兵在此不惜身命義而弗獲當以力取時拘尸國

仙二

二十

即集臣眾共立議以偈答曰遠勞諸君屈辱拜首如來遺形不敢相許彼欲舉兵吾斯亦有畢命相抵未云有畏時香姓婆羅門曉眾人曰諸賢長夜受佛教戒口誦法言一切眾生常念欲安寧可諍佛舍利共相殘害如來遺形欲以廣益舍利現在但當分耳眾咸稱善尋復議言誰堪分者皆曰香姓婆羅門仁智平均可使分也時諸國王即命香姓汝為我等分佛舍利均作八分於時香姓即詣舍利所頭面禮畢徐前取佛上牙別置一面尋遣使者賈佛上牙詣阿闍世所語使者言汝以我聲上白天王起居輕利遊步強耶舍利

未至傾遲無量耶今付使者如來上牙並可供養以慰企望明星出時分舍利訖當自奉送尔時香姓以一瓶受一石許即分舍利均為八分已告眾人言願以此瓶眾議見與自欲於舍起塔供養皆言智哉是為知時即共聽與時有畢鉢村人白眾人言乞地焦炭起

塔供養皆言與之尔時拘尸國人得舍利分即於其上起塔供養波波國遮羅國羅摩伽國毗留提國迦維衛國毗舍離國摩竭國阿闍世王等得舍利分各歸其國起塔供養香姓婆羅門持瓶歸起塔畢鉢村人持地焦炭歸起塔當於尔時如來舍利起於八塔第九

仙二

九一

瓶塔第十炭塔第十一生時髮塔何等時佛生沸星出時生沸星出出家沸星出成道沸星出滅度八日如來生八日佛出家八日成善提八月取滅度二月如來生二月佛出家二月成善提二月取涅槃  
雙卷大般泥洹經云時波旬國諸華氏可樂

國諸拘鄰有行國諸滿離神州國諸梵志維耶國諸離昌聞佛止雙樹般泥曰各嚴四兵到拘夷止城外赤澤國諸釋氏亦嚴四兵來到報言釋聖大雄出自我親實我諸父敬慕之心來請骨分摩竭王阿闍世又嚴四兵度河津來使梵志屯麗入問消息今佛眾祐止此滅度實我所天敬慕之心來請骨分王荅佛自來此我當供養謝汝大王分舍利不可得於是屯麗聚眾人作頌告曰今各遠來四兵在此義言不用畢命相抵拘夷國人亦荅頌曰如欲舉眾吾斯亦有俱命相抵則未為恐梵志屯麗曉眾人言諸君皆宿夜承佛嚴教佛大慈故燒形遺骨欲廣祐天下何宜當為毀本慧意舍利現在但當分耳眾咸稱善皆詣舍利稽首畢乃使屯麗分之於是屯麗持一甕受一石許蜜塗其裏分為八分已白樂言吾既敬佛願得著甕舍利歸起塔廟皆言智哉即共聽與梵志温達乞地焦炭歸起

塔寺皆言與之後有衡國異道士求得地灰於是八國得佛八分舍利各還起塔有八塔第九甕塔第十灰塔第十一炭塔既分舍利又為遠方諸四輩弟子未悉聞故留九十日乃去城四十里於衛致鄉四衢道中作塔寺拘夷豪姓共作甗甗石甗縱廣三尺集用作塔及高縱廣皆丈五尺藏黃金甕舍利於其中置立長表法輪盤蓋懸繒然燈華香妓樂禮事供養

世二

世二

示跡垂教即不思議之事也

釋迦天上龍宮舍利寶塔記第二十九

出菩薩處胎經

有一大臣名優波吉諫言諸王莫諍佛舍利應當分之普共供養何為與兵共相征伐亦時釋提桓因即現為人語諸王言我等諸天

亦嘗有分若共諍力則有勝負幸可見與勿足為難介時阿耨達龍王文隣龍王伊那鉢龍王語八王言我等亦應有舍利分若不見與力足相伏時優波吉言諸君且止舍利宜共分之即分為三分一分與諸天一分與龍王一分與八王一分受石餘此臣密以蜜

塗瓮裏以瓮量分舍利諸天得舍利還於天上即起七寶塔龍得舍利還於龍宮亦起七寶塔八王得舍利各還本國亦起七寶塔臣優波吉得著瓮舍利并瓮亦起七寶塔灰及土四十九斛起四十九寶塔當耶維處亦起寶塔高三十九仞

釋迦龍宮佛疑塔記第三十 出阿育王經  
八國王競諍取舍利各各起兵天帝釋見之即遣天邊自下曉喻諸王言佛在世時諸王皆如兄弟佛適泥洹云何相伐橫殺萬民當共分之各還起塔普皆得福諸王皆言快哉持卿作評為我分之得無諍也邊自以金甕

仙三

九三

分之阿闍世王共數各得八萬四千舍利餘有佛口一疑無敢取者以阿闍世王初來求舍利時車中投身著地氣欲不報故共持與阿闍世王阿闍世王得舍利及疑還大歡喜作倡妓樂鼓角動禾難頭和龍王聞佛般泥洹亦從諸龍化作人身到泥洹所道逢阿闍

世王還語言佛留舍利非但唯使人間供養可持一分見與不阿闍世言不可得也龍王言我是難頭和龍能舉卿國上著八萬里外摩碎成屑阿闍世王怖懔故即舉佛疑與之更復欲取舍利龍王便言我得此疑足供養也旋別各去龍王即還須弥山下起水高八

萬四千里起水精琉璃塔阿闍世王命然後阿育王得其國土時有大臣白阿育王言難頭和龍王先輕阿闍世奪佛疑去阿育王聞便大瞋恚即勅諸鬼神王作鐵網鐵藉縱置須弥山下水中欲縛取龍王龍王大怖共設計言阿育事佛當伺其卧取其宮殿移著須

弥山下水精塔中自與相見真說本末道意  
 降伏其瞋必息即便遣龍捧取阿育王宮殿  
 阿育王卧覺不知是何處所見水精塔高八  
 萬四千里喜怖交心難頭和龍自出謝言阿  
 闍世王自與我佛疑我不奪也釋迦文佛在  
 世與我要言般泥洹後劫盡時所有經戒及  
 袈裝應器我皆當取藏著是塔中弥勒來下  
 當復出著阿育王聞此言大謝實不知此難  
 頭和龍王便使諸龍還復阿育王宮殿置於  
 本處祐以為能供三寶本在天人故初利閻  
 浮塔廟森列至於難頭龍王乃大士應化所  
 以法滅之時收藏尊經其能建刹不亦宜乎

釋迦譜卷第九

北四末

仙二

澆正作愕然反吾各殞絕反上羽敏  
 音疾也婉轉其上順也反號咷音上桃也下縱廣足  
 橫也反戰掉吊上正作反顛音戰也下梟扶上音  
 也反鬼魅二下眉簷婆蓋上音白鵠下胡拒短甘饅  
 反下時肩也反稍正上莫浮亦反下雙角反胃索上犬反俱

繫也亦珂貝上螺口何反一摩醯下呼枯燔下  
 老反乾燥戰慄下懼日反鉞鋒上針上利下錐  
 針反追反蝮蠶上音福地也下蝮蟻上起一  
 名良反一反鏞鏢上限反交反下悵快上於向反向反下  
 失志唐捐也下音綠唐徒斟酌上音聞提上昌  
 無信心也脇脅反同助也鄙陋美反膚體夫皮音  
 也之人也

釋迦譜卷第十

蕭齊釋僧祐撰

仙三

阿育王造八万四千塔記第三十一  
 釋迦獲八万四千塔宿緣記第三十二  
 釋迦法滅盡緣記第三十三  
 釋迦法滅盡相記第三十四

阿育王造八万四千塔記第三十一出雜阿含經  
 尔時世尊與諸比丘循邑而行時有二童子  
 一名闍耶二名毗闍耶共在沙中嬉戲遙見  
 世尊三十二相莊嚴其體時闍耶童子心念  
 言我當以麥麩上佛仍手捧細沙著世尊鉢  
 中時毗闍耶合掌隨喜時彼童子而發願言